

西  
堂  
詩  
集

自序

嗚呼甲乙之際時事可勝嘆哉予一書生草間求活廢  
棄筆墨久矣幸而山川重秀天地再清爰自邨莊復還  
里舍旣以家貧親老求試于有司稍爲一二大人先生  
所知識遂由拔萃入貢

大廷于是有北征之役歸而遨遊兩浙以發其牢落骯  
髒之氣然終不得志于場屋卒從選人乞一官捧檄而  
去雖其時年方壯意氣猶盛然自念束髮受書日夜揣摩  
不獲與甲乙之科僅乃爲貧而仕屈首以就功名此  
中邑邑有難爲外人道者不平之鳴其容已乎昔人云

處則爲遠志出則爲小草予是時殆將出也故以名之  
起乙酉至于辰凡八年亦斷爲一卷

康熙甲子臘月大寒日

西堂小草

自乙酉五月至壬辰六月止  
共詩一百二十首

長洲尤 侗誤

避地斜塘

江關鼙鼓壓城闔水竹村南問卜居十里鏡湖非詔賜  
渡金鏡湖數間草屋卽吾廬相看雕甲爭馳馬自着羊裘學  
釣魚莫便感懷成野史閉門且著老農書

思歸

茫茫天地曷歸乎浩劫滄桑半有無齊女門前朝牧馬  
吳王臺上夜啼烏江山盡入漁樵話歲月閒消花鳥圖  
家在城南歸未得西風一棹入菰蘆

哭顧子臨

二首

萬國干戈裏淒然弔故人高樓尚明月大路已風塵琴

絕嵇生懶書傳楊子貧圍城誰掛劍野哭向江濱

明月樓顧

子讀書處

曾不得三十若人竟一棺愁心託芳草韻語比琅玕南

國哀何極西河淚未乾

子臨喪其愛子遂病

夜臺成避世不欲乞

黃冠

哭徐寄邵為閩關亂兵所害

二首

遂使虬龍客死于猿鶴軍空留孺子榻宜近伯鸞墳天

墜少微落山炎大璞焚西風吹恨血化作白衣雲

宜着山岳裏如何兵刃之木疆西漢士寒瘦晚唐詩空  
洒龍髯淚長埋馬革屍應成破面鬼夜雨叫胥祠

哭劉右銘投澄河死 二首

悲莫悲兮死而君死更悲有心投虎口無力護蛾眉 細君

被白髮同時殉 尊人烏衣靡後遺 無子綿綿難盡恨天遠

不曾知

何不鴻飛去冤哉蹈雉羅年方長吉少才比子安多 劉子

二十四在王勃之年 白馬將軍怒青楓楚客歌魂兮何處是吾欲

問諸河

毘陵客夜聞隔院女伶歌悵然口號 四首

誰家白苧繞雕梁一串明珠記曲娘清韻半飛天外去  
隔牆微辨口脂香

紅兒絃索碧兒粧宛轉新聲能斷腸本是桃源諸女伴  
笙歌花裡魅劉郎

主人劉氏

搽粉虞侯梳掠新柳枝佢出絳桃唇春風只許司空見  
不顧牆頭壓笛人

顧曲周郎情有餘曲終不見眇愁予何當夢入瑤臺去  
笑捉飛瓊唱步虛

董文友有美人吃烟詩戲和六首用烟字韻

起捲珠廉怯曉寒尙兒吹火鏡臺前朝雲暮雨尋常事

又化巫山一段烟

烏絲一縷賽香荃  
細口櫻桃紅欲然  
生小粧樓誰教得  
前身合是步非烟

剪結同心花可憐  
玉唇含吐亦嫣然  
分明樓上吹簫女  
彩鳳聲中引紫烟

天生小草醉嬋娟  
佢暈春山髻半偏  
還倩檀郎輕約住  
祇愁紫玉去如烟

斗帳熏篝薄雪天  
泥郎同醉伴郎眠  
殷勤寄信天台女  
莫種桃花只種烟

彤管題殘銀管燃  
香奩破盡薛濤箋  
更教婢學夫人慣



伏侍雲翹有裊烟

席上贈傅柔校書

南部烟花寒日秋粧樓猶見舊溫柔  
當筵歌扇人人顧  
媚寢脂香夜夜留  
年命常看金跳脫  
姻緣新結玉搔頭  
早知桃葉還相接  
錯向湖邊問莫愁

席上贈喬影校書

影娥池畔半身粧  
別韻相看楚潤孌  
北里門櫓年獨少  
西陵車馬興偏長  
眉裁柳葉生生翠  
裙染槐花淡淡黃  
銅雀臺空鎖不住  
東風勅與嫁周郎

秣陵游歸人傳已死漫引坡句自解并示家人

飄零亦自厭餘生  
慚愧諸君詛遠行  
烽火天連家萬里  
刀鏃信斷夢三更  
原無自祭辭陶令  
遂有招魂弔屈平  
今夕束薪殊可賦  
挑燈却話石頭城

水雲僧舍

閒居愛蕭寺作客更相宜  
佛與除離恨人能長道思  
白雲二梧樹碧水一楊枝  
几上茶經在常聞說岸師  
岸師寺宿德也築茶寮

東園訪王周臣端士兄弟

爲訪王維到鞞川  
好風吹盡晚春天  
數聲啼鳥入清磬  
幾樹落花迷画船  
麥浪綠翻細雨後  
燕泥紅過曲欄前

可堪客思憐芳草擬脫輕衫便醉眠

賀周臣納姬

小有山中嫁玉姜

玉姜毛女姬姓

吹笙恰可配王郎翠簾添入

鸚哥語画鏡飛來瀾瀾粧試曲先歌得寶子續情宜號

返魂香

王子先賦悼亡

散花更喜如天女定引維摩到上方

王子

好佛姬亦奉金經

夜集周子倣宅同吳駿公太史萬考叔沈荷百王

曦白次谷徐校書盧小史得六十句用正韻

古樹繞林屋清溪界石橋于斯大隱卜

子倣自號大隱

無事小

山招蹊徑能開蔣田園足擬陶南鄰來錦里

太史北渚比鄰

出離騷

考  
楚人

入座知昭畧吹笙遇子喬紅叅小史艷粉

掃念奴嬌拂塵連三倒投壺盡百饒  
巨羅飛箬葉雜俎  
斫江瑤杯斷低絃續花闌高燭燒  
扇歌揚柳曲手語鳳  
皇簫白紵伶雙纏霓裳變六么  
新聲多兒女閒話半漁  
獲上苑思爲樹錢塘淚作潮  
蛾眉馱代馬寶玦載吳舫  
枯骨啣饑犬空城啼怪梟  
夜行刁斗急晝掠健兒驕  
笳吹應悲蔡琵琶亦恨昭流離  
永嘉似避亂武陵遙親故  
晨星沒年華秋草凋相逢哭  
舊雨並坐喜淙宵窮自無  
文送愁還仗酒澆感君傾醅  
嘆我逐萍藻禪榻茶烟  
颺江山午夢銷賦成哀七首  
占得遯初爻客思娛青管

閒情憶綠翹梧桐風謾謾梅子雨蕭蕭佳節萸蒲近歸  
心柳絮飄詩成雖有會酒醒轉無聊問夜聽更漏出門  
辨斗杓明朝有爽氣羨爾對天寥

傷春

四首

依然芳草碧江南院落初逢燕兩三愁影欲來山月吐  
淚光未散露花含夢中風雨思吹笛望裡關河泣墜簪  
僕本恨人無以賦離騷讀竟一空函

花信條條第幾風空將烟鳥問吳宮美人行雨仍天上  
良友停雲半土中眉色尚留楊柳綠血痕竟化杜鵑紅  
子桓三十猶頭白誰禁相思不首蓬

茅檐整夜雨床床薄酒難消更漏長亂向十年餘史筆  
貧無一字到詩囊已聞鐵馬鳴濡塢忽驚瑠弓射武陽  
試向物華樓上望西山南浦總風霜  
時西江告警  
春郊咽咽弄風箏驟聽吳歌半楚聲私話興亡憑燕子  
閒占出處學浮萍故園蕭瑟同流寓新夢飄零失太平  
安得一瓶歡喜地蒲團玉磬証無生

壽齊學博

豈宜屈宋坐官衙只以行吟老歲華烏夜啼詩滿天下  
鶴高飛曲起江涯大兒舞袖孔文舉小婦歌眉王子霞  
惟有醉鄉日月久紅醪何必減丹砂

故園漫興

杖策歸來秋暮天  
故園景物尚蒼然  
白萍無主任溪水  
黃雀多營爭野田  
斜照竟隨殘葉下  
遠山不受亂雲遷  
芙蓉依舊矜顏色  
搖落西風知幾年

問古如上人疾

上輩家風在森嚴  
淵岳儀偶然宿樹下  
并不挈軍持動  
靜觀棋局悲歡寄  
雜詩掩關只此足  
病外別無醫

席上贈沈家阿惜

滿堂看阿惜百斛酒  
難消冶色當金釧  
閒情宜玉簫  
秦宮花裡活楚峽  
夢中招便擬從君  
乞隄防瘦沈腰

今別雜

行行重行行，淒淒復淒淒。携手背明鏡，春風相對啼。君  
去江南適，京北驟山驟。水愁荆棘，不知何事愛遨遊。芳  
草吳宮留不得，君言少壯不遇時。天荒地老，人無知漫  
然。杖策出門去，索米長安爲爾炊。炊屢屢烹，伏雌古人  
已有何足悲。饑寒遲暮兩抑鬱，誰能餘哀哀。別離感君  
慰，君莫惆悵。有淚自彈孤枕上，夢飛無力度關山。但遇  
朔風向北望。

雲陽苦雨有寄

二月雨無止，甚于雲漢憂。水深陌上路，風泊午前舟。村



樹連山面漁簑暗渡頭不堪千里役累爾暮凭樓

徐州來招游雨花臺

乍喜凌晨新霽開得君蠟屐一登臺松聲疑擁江濤至  
花色猶含天雨來百草綠香微入座四山青氣俯浮杯  
十年舊夢重回首陳跡茫茫盡可哀

予于己卯  
爲再至云

飲崔季韞烏龍潭登清涼山四望亭

曉日匿浮雲雲者欲爲雨忽聞看山信不覺屐齒舉君  
家臨潭居潭水環門戶冷冷風間之靜聽春波語修竹  
翠于黛垂楊綠如羽開扉便對山拱揖同賓主却登山  
上亭大江抱平楚江外山有無山外烟吞吐遠樹眇天

未蒼茫不知處氣象入心胸俯仰生今古固須酒澆之  
江山助歌舞燈火逐前村晚游差不苦歸來坐西窓急  
霖走簷廡不知夢寐間猶住山南浦

汪涵夫使君招同張公選范赤生泛舟秦淮感舊

有作

一篙春水綠平橋蘭艇相將逐暮潮河畔柳枝新繫馬  
渡頭桃葉舊吹簫六朝金粉愁烟沒二月鶯花苦雨消  
憑仗酒樽能壯客未容問荅老漁樵

渡江

臨江望江北渡江望江南南北山對峙面面碧玉簪江

水活活流東風搖征颿揮手謝江水從此就長驂丈夫  
不得意出門自囊擔未知長安樂先苦道里嚴鷄鳴辭  
燈火驢鳴入茅檐悠悠怨饑渴時乎風雨兼回首吳宮  
春燕子舞珠簾曉風飛蓬首夜月愁眉尖山川日遼濶  
相思託空兩路旁桃花吹紅淚染青衫

早行

越嶺間臨溪馬蹄惜障泥木田飛野雉山樹發棠梨夜  
夢曉風續鄉心春草迷相呼乞漿去又過市橋西

渡河

黃河天上水水勢上于天隔岸卽千里清流知幾年泥

淤存短屋麥老見枯田涕淚中原事烽墩未息烟

憶江南

風沙河朔四愁詩烟雨江南六憶詞艷艷櫻桃含笑口  
生生梅子皺歌眉黃鸝喚酒催檀板青豆和鹽煮竹枝  
約畧峒山茶信到半塘新綠月明時

渡滹沱

滹沱水濺濺南陽問津處青萍帝子石

光武斬石人處

白楊將

軍樹繫馬讀殘碑蕪亭春草暮赤符不可求且啜豆粥  
去

綠柳長廊

北來好風景十里柳如城馬愛平沙軟人宜曉日輕  
遠山隨綠至美草近涼生植向周行路條條記短程

四月

四月宜避暑行人未解鞍木綿春後服水飯日中餐  
馬到驢先避兵多客自單相驚官裏路不敢採蒲蘭  
自真定而上畫爲官道

揚州良家子落爲妓哀之

才人嫁爲廝養婦媚家立作君王后紅顏貴賤命何常  
嫫姆蛾眉毛嬙醜憐君弱質出深閨綠窓繡戶春低迷  
阿父宦沒家星散一身流落燕山西浮萍飛絮苦無主

夜月朝雲伴歌舞回首揚州夢十年依稀尚記竹西樹  
逢予同是江南人含顰歛袂羞自陳欲言不言先哽咽  
梨花雨落胭脂痕江州昔日青衫濕我聽琵琶亦嘆息  
天涯漂泊總難堪揮手出門山月白君不見長卿壁立  
游臨邛馬周沽酒客新豐不獨青樓怨薄命丈夫猶哭  
窮途中

食櫻桃戲作

江南三月中十日櫻桃市初生琥珀紅漸熟珊瑚紫採  
之貴及時飽食多且旨旣動子公指亦病楊妃齒寵愛  
在一身蔗梅空侍儿惜非耐久朋因比相思子何年赤

南華小童  
鸚鵡啣到長安里相逢四月終旅人隄驚喜掩映小朱  
粧髮髯樂天婢細嚼口脂香忍薦酪酥滓日暮又風沙  
難保紅顏美一騎急歸來正賣楊梅始

報國寺兩株松

入門忽一驚雙龍卧空砌鱗甲大于身伏而有飛勢俛  
仰何不齊垂手振其袂盤盤四十圍大雲當天蔽白藤  
結曲帶青山削平髻儼如王者儀車馬列侍衛森如奇  
鬼手強來捉人臂笑彼五大夫對此胡然帝迥越扶踈  
桐亦傲偃蹇桂寺中白頭僧不知松年歲吹之以風雨  
靜聽孤鶴唳不然環珮鳴月掛長空霽何爲市其芴日

中聚羣囀吾欲洒斯辱携琴夜涼際相對三人交坐成  
十日憇梵唄出禪林贊以四句偈

善薄命

十三画眉黛十四美琵琶十五善歌舞翠袖低紅牙春  
風二三月妾面如桃花門前綠楊樹王孫繫紫驂私贈  
碧玉環含羞未肯拏豈知盛年去空閨冷吞嗟紅顏不  
自惜嫁與商人家雲鬢任撩亂飄泊隨天涯眼看東鄰  
女錦繖乘香車畏蛾不如妾贏得粧臺誇惆悵朱樓夢  
淚雨啼木紗

偶見 二首



夾路騎驢女似雲避風半掩碧紗幘盡知愛惜加窮袴  
懶着金泥篔蝶裙

炊無曲突卧無床砌得磚鑪近坑旁少婦日高猶懶起  
擁衾側坐煮羹湯

出都

驅出彭義門欣然謝塵埃歸路三千餘已作眼前想山  
川豈畱人風雨阻林莽低洼浸成渠馬行如五兩苦熱  
正首塗蹙喜迎晚爽程程返舊軌顛倒念疇曩脫驂就  
主人濁酒恣俯仰回首望長安溲渤又新長

六月

六月出戎車詩人猶悲傷我行非王事棲棲曷不遑平  
生三伏日偃息歸高堂手搖蒲葵扇汗下沾衣裳何況  
負烈日躑躅官道旁寸陰卽大厦勺水如瓊漿人身非  
金石流爍安可當幾時北窓下高枕話羲皇仰首視雲  
漢却吟苦熱行

夜走株林

百里已過無所安胡爲株林此盤桓黃河雷動雨將集  
黑夜草深泥未乾老馬戀槽尋路急主人避客叩門難  
瓠湯麥飢對愁嘆努力可加何處餐

歸

西華小集  
一百四十二日想今日卽真始到門稚子喜誇夜夢佳  
老妻珍重酒杯存梁間雛燕窺新客園內野花結小樊  
我欲閉關養微疾莫勞親故問寒暄

贈宋其武太史

雅聞湖海說元龍喜接清談對處宗舊夢漢宮吟芍藥  
新愁吳苑採芙蓉從容日月磨詩句慷慨山川寄酒鍾  
及我倦游君客久同攀秋照最高峰

弔西湖

我見西湖突然喜西湖見我亦如是美人入夢幾何年  
一笑目成今日始青嵐照水碧涵空六橋正跨兩湖中

橋畔離離野草沒湖心弱荇牽老葑憶昔江山鬪行樂  
歌釵舞袖日相索春院曉彈柳浪鶯秋籬夜放孤山鶴  
翠管紅牙簇画船青驄紫勒裊金鞭錦袍公子調沽酒  
花面丫頭唱採蓮玉雨香風年復歲驟起烽烟破佳麗  
桃枝柳枝斫作薪鐵騎亂揉花鳥碎我來俯仰一凄然  
敗閣頽臺劇可憐蘆花點點藏湘雁楓樹斑斑哭杜鵑  
車馬星稀絃索少無酒無肴一屐了磨殘墓碣黑松寒  
行到寺門黃葉槁惆悵尋芳不及時等閒簫鼓葬西施  
淡粧濃抹虛梳掠月落參橫費夢思指點飛來夕陽下  
惜別依依情不捨待渡錢塘往復還踏雪段橋重繫馬

和西湖泣柳詩 五首

章臺細葉灞橋綉都付關山玉笛吹一自青青攀折後  
西湖不唱柳枝詞

西湖顏色比西施粧鏡雙開柳掃眉今日翠彎零落盡  
亂頭粗服捧心時

荒草秋原弔舊衙大堤望斷碧油車黃鶯飛到無啼處  
却上青松趁晚鴉

煮雀焚琴事事非桃根桃葉化烟飛春風一并埋幽怨  
故遣紅裙殉綠衣

風流可愛憶當時第五橋邊畱幾枝正似美人魂斷後

遺香剩粉倍相思

渡錢塘

不嫌子夜雨來趁午時潮風急水如立帆飛山欲搖鳴  
榔聞隔岸射弩說前朝已入西興路南屏青未消

山陰客夜

風雨滿天天自愁傷心先欲到高樓官街更析縱橫下  
旅舍燈光勉強畱長嘯懷人欄具劍短歌進酒鷓鴣裘  
不堪歸夢隨潮長日斷江南竹葉舟

再渡錢塘

夢覺錢塘口江空一鴈鳴潮來舟夜沸風過枕寒生山

影霧中失木光天外橫何當破浪去卧看錦峰明

過釣臺

惜無一樽酒徒手訪嚴陵千古高臺在誰人理釣繒山  
迴石溜急風利布帆升遠愧垂綸意塵容未敢登

蘭溪大雲山寺

一架童山無石痕百年蕭寺有籬門蹲蹲野鼠穿林樹  
默默寒鴉歸夜昏古佛定深花髮落老僧閒久鼓鐘喧  
何時追取休公至白月巖霜豎拂論

貫休邑人  
曾居此寺

夜泊七里灘

他鄉風雨似人情偏打孤篷逐遠行石瀨磷磷潮不上

江天漠漠夜難明家遠千里丹鱗斷夢到三更白髮生  
爲憶燈殘人睡醒寒幃無語聽雞鳴

登釣臺謁嚴先生祠

先生至今坐百尺使我長揖生遠風釣處自然秋水白  
卧時豈若夜山空蒼藤氣傲將軍樹古廟年深帝子宮  
却笑磻溪一片石公侯捷徑出漁翁

范祖生子域三年十四北兵渡江自沉焉詩以弔  
之

昔題止水江萬里誰其嗣之小范子江公大臣分應爾  
范子儒生且兒齒不見皓然七十翁草間求活拜跽工



奇君義勇遂如此豈數黃童與終童我過阿翁淚相續  
千丈波濤埋尺玉不知九泉含笑遊一身三閭合孤竹  
曹娥江在左伍胥江在右曹娥死孝伍胥忠名與江流  
等長久范子見之當携手

訪徐世臣柴虎臣

借隱能如是奇哉此二臣賣漿毛共薛採藥肇同晨名

變鴟夷子

世臣賣皮

方傳秦越人

虎臣賣藥

莫因廢歌嘯詩卷不

風塵

歸馳

歸夢依程近鄉音逐路親吳舸初穩坐市酒漸宜人霜

露催殘夜家園就早春山川滿囊橐莫笑此遊貧

詠史 二首

公孫牧豕兒偶然相天子曲學以阿世轅固見其裏布  
被脫粟飯故人不爲禮故人尚如此新交復何似東閣  
招賢人賢人不至矣

相如貧困時作客走臨邛其令有王吉乃謬爲敬恭車  
騎徒雜逯卮酒且雍容不聞千金贈何取虛文隆若非  
卓文君豈免四壁空

哭阿雄痘殤 五首

計信驚傳正曉鴉忍看玉骨委泥沙連宵風雨真狼藉

吹折春來第一花

荒郊宿草已離離無限傷心強自持今日有聲吞不得

七年血淚一齊垂

卿謀亡已七年

修文天上幾春秋何用童烏伴玉樓豈是瓊花無二品  
不畱遺種在揚州

曾記操文哭阿蓮

卿謀有哭蓮兒文

而今誰續悼亡篇黃泉自

有闌樂樂玉樣雙雛繞膝前

湘中一草四方知顛倒無人讀父詩比似中郎才絕妙  
斷絃琴止授文姬

黃參軍墓四親詩

誰人築作祁連冢我視其旁可萬家鐵馬十年回紫塞  
石麟千載卧黃沙白楊新植將軍樹紅葉長開帝子花  
試向北邙山上望幾堆金粟玉鈎斜

送曹隆吉入關扶櫬

吾聞張吉尋父走蜀道三往歸來髮已皓又聞呂向訪  
父遍四方下馬抱足哭朝堂父存萬里猶能去父沒九  
泉何處遇惟憑一片白雲飛剪紙招魂返舊路憶昔曹  
翁宦長安歲月悠悠十二年干戈忽起市朝變鴻雁分  
飛各一天當年出門母妻在萱草驚摧鳳鸞背疑塚空  
封青草旁想魂尙隔黃河外可憐旅櫬閉關中生旣相

西堂小集  
離死未逢腸斷子規啼不到碧燐曉夜怨秋風蓼莪孝  
子哀哀泣戴月衣霜望西出秦山重疊隴雲深奔走悲  
號覓枯骨他年剪鬣植松楸客鬼欣看同穴遊鶴歸應  
解書華表狐死猶知樂首丘君不見邊塞沙塲滿腦髓  
烏鳶啄肉無人收

訪蔣虎臣太史留飲却贈

班笏曾聞說蔣凝果然璧月照稜稜掃門便醴醪三斗  
問字先磨墨一升錦瑟新調雲母幌太史新婚芸香舊染鶴  
文綾秋風吹上摩天翮尺鷃何當附大鵬

雨中過嚴州

七里灘頭九曲灣石根鑿鑿水潺潺長年三老愁泥滑  
估客笑看雨後山

龍游徐蓮姑廟

一龕野廟沒青莎小字芙蓉碣未磨掩鏡甘分棄婦怨  
含顰羞唱望夫歌春風有伴留香鴨曉月無人画黛螺  
貞魄自成山上石莫將雲雨弔湘娥

李庚生觀察贖同年毛力懷女擇配周公右詩以  
美之

周後以明經仕縣令毛女稱夫人矣

黃華山頭火旗豎雷鼓一聲將軍怒殺人如草散如星  
紅粧宛轉飄烟霧有女低傷淚滂沱父填山谷母沉河

阿姊殉夫阿妹去一家零落奈身何可憐白刃相持急  
風裡楊花苦無力帳前歌舞強隨人淚痕暗漬胭脂濕  
使君感舊傷慨慷不惜黃金贖翠璫孟德有心嫁蔡琰  
小喬不意得周郎脫却蠻靴披雀扇倚門喜看三星粲  
故鄉舊壘返何年天涯幸作雙飛燕荆釵裙布莫愁貧  
菱鏡香奩恩賜新不見塞北琵琶女半是江南粉黛人

陳公朗太史奉 詔再游兩浙遇于柯山且訂南

湖之約

親捧金函出玉除錦衣使者漢相如北宮鈴索懸人節  
南部星文照客車舊日湖山迎杖屨新春花鳥媚襟裾

更能一榻容徐孺倚席同看越絕書

讀梁昭傳爲萬使君賦

楚國王孫醉狹斜綠珠一斛買梁家青樓忽打鴛鴦鳥  
黃土生理兒女花惆悵榴裙空簇蝶淒涼柳曲祇藏鴉  
挑燈愁讀無雙傳不見當時古押衙

和秦淮女子宋蕙湘題衛輝店壁詩

三首

管絃未散鼓鞀催金粉飄零寶鏡開好似明妃出塞去  
幾時桃葉渡江來

強驅彩鳳去隨鴉憔悴宮腰泣麗華續得拍聲三十六  
妾笳哀似蔡家笳



青樓春夢杳如烟  
懊惱郵亭一夜眠  
回首長干天外隔  
洛陽別有斷腸天

蔣亭彥徐斗錫招同彭燕又朱近修馬又輝泛舟

南湖

蕩舟出南門一水澹容與清波何窈窕  
云是鴛鴦渚鴛鴦不可求野鳥自來去  
荒臺立中央高樓舊烟雨雨散烟亦收  
樓遂失其處疇昔太平年画船盛歌舞  
賓客日遨遊觴咏不知數數載更干戈  
紅塵化黃土楊柳颺羅綺烏鴉咽簫鼓  
故人各天涯良會空延佇獨存二三人  
相逢半逆旅杖策重登臨俯仰共懷古  
城郭與人民是

非誰能覩羊傳歎峴山  
李生弔鸚鵡盛衰盡如斯  
慷慨奈何許君醉勿復道  
吾不爲愁府

楞嚴寺雨雪同秦汝翼夜話

相驚白雪下一夜滿庭欄  
古寺春偏少他鄉客易寒  
雨深花淚重風動佛燈殘  
比屋袁安在同歌行路難

席上贈元姬

燈前歌絳樹扇底舞紅兒  
活色芙蓉粉新聲楊柳枝  
日成魂易與手語笑難持  
恨不畱髡醉餘香引夢思

賦得餓來驅我去

二首

餓來驅我去去亦無所之  
惘惘竟出門行役不知疲  
懷

刺告闕吏十入九見麾主人頗偃蹇客至卽攢眉相對  
席不前問荅寡言辭旅舍自蕭條公庭自紛馳簿書官  
長事外人那得知杯酒且酬酢虛文示羈縻畱亦無所  
期歸亦無所資躑躅東西門潛然泣路岐

饑來驅我去去去彌苦饑平昔家居日衣做糞糠糜把  
書對妻子高歌動簾帷不悟縞綦樂挾笈走天涯異鄉  
長苦辛玉食而桂炊春風多雨雪短衾寒切肌僮僕意  
氣盡相視各低眉不知何所求日夕空栖遲乃知閉戶  
人飲水自言飭安能疲津梁仰面謁官司作書戒同志  
游客不可爲

騾車六章

騾車搖搖行人劬勞謂我車也劬

騾車一尺行人反側謂我車也窟

高高下下躑躅不已朝朝暮暮行行且止

朝食維何稗與蕘矣暮宿維何草與泥矣

北風獵獵載雨載雪室處則那道路以月

盍歸乎來車則懸之黑白衛斯不羈而馳

揚州口號 二首

我夢揚州已十年三生輪與杜樊川  
竭來剛得郵亭宿不信青樓幾洞天

殿脚夫人吳絳仙君王曾唱落梅篇可憐堤上猶栽柳  
燈火沿江估客船

渡泗聽僕夫唱邊調歌

平原野燒連剛黑寒沙削面無人色征夫局促枕車中  
卧聽馬嘶蹄特特忽聞一聲塞外歌迸入霜風驚蕭瑟  
淒淒越石奏蘆笳凜凜申胡吹感栗開檐起問歌者誰  
白髮黃鬚戰場客自言少隨熊將軍遼陽瀋陽營數屯  
撻鼓如雷旗如電部署兵法如天神此時校獵出講武  
投醪百斛牛千斤人人令醉且安坐各唱饒歌不論文  
二十萬人齊拍手甘州涼州調入雲將軍巡行喜起舞

詰朝一戰當策勲遼東失後將軍戮行伍弟兄無幾存  
鄉關寇亂歸不得一身却作掌鞭人戰馬已沒戰袍裂  
惟記此歌是舊聞我聞斯言淚如洗彈指興亡河滿子  
擊轅再唱隴頭吟嘹唳哀鴻飛不起柰何頻喚還已矣  
君不見楚漢英雄空泗水

除夕書懷

四首

舉筆將歌今夕行纔從驢背卸行囊垂垂四野風霾暗  
落落三家烟火荒衣上白沙濃似雪壚頭黃酒薄如湯  
人生何必遭遷謫卽此潯陽與夜郎

舊游京洛厭風塵馬首重來作雁臣古道白雲應笑客

異鄉青草漸愁人  
椒花頌裡懷新婦  
柏葉樽中憶老親  
何似山中無曆日  
頽然高卧忘冬春

携手同車弟與兄  
依依旅館對寒檠  
吳山千里齊回首  
魯酒三升自遣情  
枕上曉雞新舊夢  
塔前零雨短長更  
相傳猶有江南俗  
空谷瑟然爆竹聲

示陸處實

天邊飛鳥影參差  
河北河南共此時  
村老稱觴歲聿暮  
僕夫揚燎夜何其  
貂裘自信長安樂  
蹇策徒懷岐路悲  
莫以沉吟勞永夕  
恐妨明發載驅馳

遙同右之  
曉三道  
中并懷旣庭京邸

歲朝阻雨扈家莊

道南道北皆泥滑  
雖欲出門安所之  
且盡壺殮村舍味

却勞拜揖主人儀江關間隔家書斷筆硯荒涼春思遲  
不及吾鄉老學究每逢佳節坐吟詩

人日

有夢卽歸去惟貪曉夕眠孤燈三歎息半枕五流連人  
遠空逢日花開又隔年誰歌河畔草愁絕思綿綿

銅雀臺

漳水東流魏闕殘江山千載笑曹瞞高臺銅雀飛何處  
不及金人泣露盤

柘鄉元夜

二首

荒雉淒涼低玉繩金吾禁夜巷如水五更驚起官街鼓



却聽家家呼掌燈

十里紅樓引夢長  
曉風吹斷玉笙涼  
可憐一片吳趨月  
也向今宵照栢鄉

慶都謁帝堯祠

繫馬荒村讀古碑  
陶唐千載尚菲茨  
巍巍雲日貌如在  
奕奕山龍衣自垂  
綠瓦光凝寒寢殿  
蒼松森立閃靈旗  
君臣歲月常相會  
風雨重瞳來九疑

長安雜感 二首

三年兩度入長安  
依舊飛塵撲帶冠  
夾袋姓名題鳳到  
沿街呼喝避驄難  
班生刀筆相隨老  
范叔綈袍自覺寒

盡道曲江花滿樹春風只許淚痕看

諸公袞袞對彤軒獨向泥塗滯短轅天遠何從瞻紫闕  
日斜猶去掃朱門縱教捧檄愁行路悔不扶耒學灌園  
况是漢宮寒食近河橋楊柳欲銷魂

清明日同宋荔裳旣庭陸處質施爾恭登毘盧閣  
荔裳携酌小飲

滿城土雨踏青難梵閣峒峩一倚欄北闕雲開燕市近  
西山日落漢陵寒蒼松骨老龍鱗動綠柳腰低燕語殘  
斗酒雙柑休惜醉春風不易到長安

飲高念東太史齋賦呈

岱宗何巖巖曾崖倚霄漢其下有奇人氣象干天半風  
姿理林樹霜骨龍門幹早入承明廬大筆五花判縱橫  
東觀書淋漓北堂硯元禮號楷模子將操月旦南國富  
瓌寶拾材多竹箭僕時待至公文成劍先按後乃謁先  
生握手爲搯腕誰忍荆玉別共惜隋珠彈伯樂本知馬  
牧人不能薦感公特達言頓忘泥塗賤驅車向長安索  
米事薄宦迢遞登仙門綢繆賜清讌最我青冥期勿作  
樊籠玩蒙耻獻雕虫每篇輒稱善手示帳中笈雄光走  
河電史才青藜閣理學白鹿院玄談有塵揮宗乘如花  
散尼父嘆猶龍莊生嗤斥鷃願上黃金臺長陪青玉案

仰止高山高舉頭卽日觀

賀沈貞蕤撥花及第

昔我與君對策金馬門愛君風流大雅而高騫論才宜  
著瀛洲裏百里豈足羈鵬鯤抱關擊柝爲貧仕未能免  
俗聊爾耳燕臺彈劍且歸來我卧吳山君泐水三載優  
游及秋律風簾再奮鸞龍筆同着麻衣待至公雲雷倏  
忽驚相失一飛一鳴摩空去扶搖遂占上林樹公卿爭  
購子昂文 天子喜誦相如賦唐人宴賞重撥花年少  
休文自當家厓墻初題青管字曲江晚試碧油車春風  
習習翻紅藥玉堂晝永搖鈴索金蓮賜出建章宮藜火

西堂小集  
燃來天祿閣嗟哉僕時亦向長安遊獨騎瘦馬老羊裘  
便當弃繻出關去床下仰看元龍樓人生賦命有虎鼠  
花茵糞壤本無主但存意氣見交情他日相逢話舊雨  
把君之袂爲君舞君不見公孫布被空爾爲誰是王陽  
與貢禹

授永平後寄家人

榆關絕塞接遼東投筆寧圖萬里封遙望吳門空白馬  
便從燕市下盧龍老親此日應嗟季思婦因風欲喚儂  
惟有黃河接星漢乘槎秋水一相逢

序

展成英矯崛起年未三十名噪海內而不獲博

以乙榜試于

廷旋以選人留京師時選士南宮閉門燕市三日而成  
論語詩三十首昔人謂意有所鬱結而不得其志者必  
於歌咏發之展成藉聖賢之精意質行隱約于流連歌  
咏之中聖人復起如獲我心展成豈有所鬱而不得其  
志者耶雖然今也使展成登上第直承明廬協律呂著  
登歌遂可爲得志之時耶展成行治刑右北平吾聞右  
北平多古人遺跡于以登碣石臨溟海憑弔孤竹之墟

可以慨然而賦者當復何如哉古瀛王崇簡題

論語詩

長洲尤 伺誤

唐人以詩取士亦用四子題如行不由徑知者樂水  
之類後人罕有擬者今春入長安見新郎君東塗西  
抹方以制義爭霸爲此寂寂白日笑人作詩則違衆  
作文則近于效顰因倣唐人法于諸公三試日各賦  
十題酒酣耳熱叉手便成觀者當憫其無聊勿以嘻  
笑怒罵律之若比于張子韶論語頌則吾豈敢  
有朋自遠方來

雞鳴風雨閉門時門外車聲千里遲乍望楚山逢宋玉



正彈流水對鍾期二梁落月添新夢三徑停雲憶舊詞  
共把高文醉樽酒莫將姓氏問屠兒

賢賢易色

願向西方思美人不從北渚望夫君韋編莫寫鴛鴦筆  
綺帶寧輸翡翠裙洗馬渡江原似玉巫娥薦枕已爲雲  
祇應女史簪彤管風月平收二十分

思無邪

長歌重疊短歌淡古意閒情初不禁習習谷風塘上曲  
霏霏雨雪隴頭吟總饒香草山川色豈礙梅花鐵石心  
一自玉臺開豔體可憐彩筆費題衿

關雎樂而不淫哀而不傷

風流佳話起岐周千古悲歡一筆收竝坐夜香浮錦瑟  
相思春草滿芳洲定情何必題紅葉惜別誰教歎白頭  
王建宮詞空絕調昭陽眉黛半含羞

曾子曰唯

大道原非喚竹篋尼山公案費拈提回頭忽喪千年學  
開口纔留一字題冷暖自知魚飲水精粗不著兔忘蹄  
諸君莫向枯椿覓再訪桃源路已迷

子路聞之喜

車馬栖栖行路難願從海外縱奇觀秋風三島吹鳴劍

夜雨孤舟倚釣竿且借蜃樓藏鳳羽何妨鮫室舞雞冠  
英雄莫向蓬蒿老不見扶餘有將壇

歸與歸與

曠野風吹斜照低鷓鴣啼罷子規啼浮雲出岫何時入  
逝水東流幾日西不爲尊鱸愁老此豈因松菊賦歸今  
宛丘行去尼丘接一路花開桃李谿

子華使於齊

束帶翩翩文有餘憑君遠達數行書三春芳草隨行仗  
千里寒星伴使車仲父臺前人在否晏嬰宅畔市何如  
白雲飛處應回首老母終朝獨倚閭

回也不改其樂

僻巷柴門苔草生幽居時有玉琴鳴此間禮樂如三代  
滿座詩書勝百城郭外清流常引汲樹頭好鳥正催耕  
悠然試會其中意未必家貧便適情

子見南子

紫袖昭容出戶迎夫人妝罷拜先生低鬟蟬影搖釵麗  
捲幕花香入珮輕何意草茅瞻絕世却教閨閣慕高名  
傍人莫笑婁豬定曾聽麟麟過闕聲

久矣吾不復夢見周公

赤舄風流制作才小臣信宿幸追陪咨嗟四國思文武

涕淚三家說定哀西狩忽驚麟角去東征不見袞衣來  
蕭騷白髮長無寐洛誥周官讀幾回

子釣而不綱弋不射宿

飛躍無心道不違殺中有禮卽生機丹鱗吹浪風初暖  
烏鵲依枝星正稀潮濶應迴漁父棹雪深還解使君圍  
試從濠上觀魚樂目送歸鴻絃自揮

子與人歌而善必使反之而後和之

曳杖逍遙愁不過吟風弄月且婆娑馬迴陬邑聞槃操  
鳳去瀟湘起楚歌君唱陽關聲欲疊我酬白雪和寧多  
不堪顧曲增惆悵望到龜山喚奈何

可以託六尺之孤

宮車晚出最蒼黃遺詔親承血數行中夜躊躇憂少主  
外廷涕泣說先王劔門功業垂諸葛麟閣形容繪霍光  
可恨欺人新莽輩金滕未發漢先亡

有婦人焉

皇后稱臣才倍奇龍韜豹略有家師夫人城上單黃鉞  
娘子軍前小白旗久向河洲儀聖母請從瓊室斬妖姬  
可憐二女黃陵廟日暮湘江泣竹枝

歲寒然後知松栢之後凋也

洞庭木落氣蕭森百尺青條鬱上林秦帝山頭封號古

武侯廟裏歲華深  
三年化碧忠臣血  
六月飛霜孝婦心  
堪笑春風画紅白  
家家桃李聽鳴禽

吉月必朝服而朝

荷衣久已賦歸田  
還著宮袍覲九天  
日近御牀瞻玉藻  
風來仙仗動貂蟬  
老臣劔履趨偏切  
內府壺餐賜獨先  
更向起居尋近注  
春秋簿上記元年

鄉人飲酒

籬舍荒村樂事無  
歲時伏臘且歡呼  
賓筵秩秩歌三闕  
夜飲厭厭酒百壺  
白飯青芻隨土物  
蒼髻黃髮盡吾徒  
分明洛社香山會  
只少龍眠作畫圖

· 從我於陳蔡者皆不及門也

追尋七日苦容嗟沐雨歸來有鬢華  
玉樹生埋長地下  
驪駒遠去各天涯風寒泗水悲瑤瑟  
日暮山壇落杏花  
空把姓名題四壁酒鑪若个問東家

子樂

諸生濟濟對吾師百里賢人聚此時  
四座春風圍杖履  
一團和氣動琴詩不關笑語天全得  
纔解愁眉人已知  
他日滿堂七十二吹笙鼓瑟和塤箎

浴乎沂風乎舞雩

去去東山東復東登臨賴有酒徒同  
白鷗暖泛桃花水



紫燕輕搖楊柳風洗耳自餘高士潔披襟不讓大王雄  
人生適志須行樂懶束衣冠拜帝宮

樊遲請學稼

曾執干戈舉將旗而今老大荷鋤基門前綠野多閒地  
隴上青蒲及好時春雨欲來麥浪急秋風初起稻香遲  
先生若許耕還讀請賦田家雜興詩

久要不忘平生之言

冠蓋相逢半酒樽誰人日暮訪柴門墓前挂劍空魂魄  
市上吞灰有淚痕不惜千金求力士常留一飯進王孫  
結交年少多輕薄援筆頻將游俠論

行夏之時乘殷之輅服周之冕樂則韶舞

玉曆初頒瑞靄飄皇州春色滿重霄朱旂鳴輅呵清道  
紫殿垂旒賦早朝鳩鵲觀前陳萬舞鳳皇臺上聽蕭韶  
明堂何必圖王會收拾經綸貯一瓢

伯夷叔齊餓於首陽之下

乾坤日月事全非兄弟相携視死歸黃土遠離牧馬地  
青山長傲釣魚磯祗看故國淪禾黍豈忍孤臣戀蕨薇  
千載高名成一餓牛山何必淚沾衣

聞弦歌之聲

息馬孤城傍夕陽驚聽四面起宮商南山擊鼓迎貓虎

東閣吹簫引鳳皇一路花香疑燕寢半簾鳥語鬧公堂  
輶軒若訪循良吏續入風詩十六章

予欲無言

終日斷斷繁有辭嗒焉喪我隔籬籬三千諸子空談老  
二百餘年大筆疲滿院犀香無隱處閒庭草翠坐忘時  
靈山說法拈花看不是摩訶誰解願

長沮桀溺耦而耕

蕭條古道暮雲孤何處村農耘耔俱名字尚留同井志  
田園可画竝耕圖相看負耒惟兄弟遙想提壺有婦姑  
十畝之間忘南北不知人世哭窮塗

止子路宿殺雞爲黍而食之見其二子焉

日暮何之况子身吾廬猶在可逡巡隻雞斗米宜佳客  
歷齒蓬頭亦主人拜跪無文違世法盤餐不備恕家貧  
明朝分手空凋悵莫遣漁翁重問津

太師擊適齊亞飯干適楚三飯繚適蔡四飯缺適  
秦鼓方叔入於河播鼗武入於漢少師陽擊磬襄  
入於海

蔓草寒烟空魯庭梨園子弟散如星關前疋馬數行雁  
天外孤帆幾點萍已抱琵琶辭故國猶聞短笛咽離亭  
相思獨有尼山老一曲哀琴淚雨零